

# SCRIPTA

---

**Numéro Scripta** : 2638

**Auteur(s)** : Gervais Ier de Chichester, Sées (évêque)

**Bénéficiaire(s)** : Bellême, Saint-Léonard, dépendance Saint-Martin de Marmoutier (prieuré)

**Genre d'acte** : charte

**Authenticité** : non suspect

**Datation** : 1225, juillet

**Action juridique** : confirmation

**Langue du texte** : latin

## Analyse

Confirmation par Gervais, évêque de Sées, du compromis passé par-devant l'abbé de Saint-Père en Vallée et ses assesseurs, juges délégués par autorité apostolique, entre le prieur de Bellême et les patrons de l'église de Bellavilliers, et Étienne, personne de cette église, sur leur différend relativement à la dîme des légumes.

## Tableau de la tradition

### Éditions principales

a. Barret Philibert (Abbé), *Cartulaire de Marmoutier pour le Perche*, Mortagne-au-Perche, Meaux (Documents sur la province du Perche ; 3e série, 2), 1894, n° 143, p. 148.

Texte établi d'après a

Universis presentes litteras inspecturis, Gervasius, divina permissione Sagiensis dictus episcopus, salutem. Noverit universitas vestra quod cum causa verteretur coram abbate Sancti Petri de Valle Carnotensi et conjudicibus suis, auctoritate apostolica, inter priorem et monachos de Belismo, ex una parte, patronos ecclesie de Bellaviller, et Stephanum personam ejusdem ecclesie, ex altera, super hoc quod dicti prior et monachi petebant duas partes decime leguminum terrarum sitarum in parochia de Bellaviller, in quibus percipiebant duas partes bladi, quando erat ibi bladum ; tandem amicabile compositio intervenit coram nobis in hunc modum : quod dictus Stephanus, coram nobis constitutus, quidquid juris in duabus partibus leguminum dicebat se habere in nostra posuit voluntate et dispositione. Et nos, de assensu et voluntate utriusque partis, ita disposuimus quod dicti prior et monachi de cetero habebunt duas partes decime leguminum de tota parochia de Bellaviller, exceptis decimis ortorum ; et dicti prior et monachi dicto Stephano concesserunt dictas duas partes decime leguminum ad firmam, quandiu vixerit possidendas, reddendo dictis priori et monachis annuatim, ad festum Sancti Leonardi, minam pisorum. Hoc adjecto quod persona, que post dictum Stephanum in dicta ecclesia instituetur, occasione dicti census, nichil in dictis duabus partibus decime leguminum poterit reclamare. Ad hanc siquidem compositionem confirmandam, ad petitionem utriusque partis, presentem paginam, sigilli nostri munimine fecimus roborari. Datum anno gratie M° CC° XX° quinto, mense julio.